


Choyoming Aonmomi : Yilam De Vink

Yisu Aathing Lungtarbu



Y
I
S
U
A
A
T
H
I
N
G



Gunlen Timyu Aaring

YILAM DE VINK

Shyu go?



Rumvik: Rumthing sa seem makhatbo sa loom sut banbo.

Chinlop: Rumthing na gun aarum kayum bosyo gum.

Bible: Bible ka ho rok khat pumthing rum na hudo sa simyu pongrem salom matsyo.

Aathing Aazom: Yisu aathaing sa lutuk pong Yisu aathing sa amak an laluk khu antungrot ung thong na saknon matsyo.

Fyokkung: Kidak bosibo lyang Yisu aathing hudo do mak an hudo sa lutuk song sathyaklat kat hun mo.

Lutuk: Yisu aathing sa lutuk.

Easter: Yisu sa laluksa nambon zoomsyong, saknem aare do Yahodesa nambongum.

Chhu Murom: Yisu sa depka lom syong. Pumthing rum sa sakching hu aamak lom laluk nan chhu marom thup mao.

Denree: Pumthing rumka denree mat na an hudo sa aaring pong ka denree matsyong.

Satooloyot Syong: Pumthing rum satooloyot bam senla kayu tula ooreb zong manen, kayu satoo ul gong pumthing rum na satoo lyot shu satoo thupshgo shyumat gong Yisu aathing kayu sa tandokka fyok kung ka mak tho gum.

Pumthing sa Temboo: Pumthing rum sa chhu aaring nenbo rem pumthing rum sa temboo gum.

Aasom Achong: Pumthing rum sa aasom sarere nam simyu ka ne oorere Yisu sa lutuk gum.

Yisu: Pumthing rum sa aakup kayusa aabekka pumthing rum.

Masiha: Semthombo punu lungtarbo (Hebru aaring kat) Sare Greek minor pongka ne gum.

Temu: Pumthing rum depka aaring setsyong/lesyong.

Lazuluk Syong: Yisu aamak lom loluk. Saknem kat makbo gun loluk sibu otet tachatka pumthing rum gun nam simyu sa thyom matsibo.

Loyusibo: Yisu aathing lyang sakdemka lolatba rumlyong an lyang sakdam gun aal hunsibo pumthing rumkon lom gun aal hun sibo.

Mung: Sare hu sim makhatbo mazooka oorere pumthing rum an nam simyu sa panzyom gum.

Layo: Aaring oore sarere kayum pumthing rum sa sakching lom aarom bonong syo, pumthing rum sa lomka lom mukon.



Yisu Aathing Tu Go?

Yisu nam tangfri netsa nahan na Israel ka bam kayu hudom Yisu aathing le gum, sare hu punu kat, an pumthing rum sa aakup katbo an pumthim rum an nam simyu sa aakup nam simyu lom do lat, Bible ka Yisu sa milyo sa thotom dan mo, oorere aatimbo aaring kat mao.

Yisu Sa Tachat

Kayu sa thotom Yisu sa aagek lom zeng sibu, tachot ooreka simyu pong noot lomba pongbo, biklombo, an unka lombam gum, tachat ooreka Rom, tembo Urop chaklat aabek an chakgyom Afrikaka negam agyap simyu pong chyo yok mayonbo gum, Israel sa Yahudi chyo sa simyo lebam gum, pumthing rum chyolom zyok bam oorere Bible gum, hu gun simyu sa etbo debo an kayu nam simyu songdep aatyol mat syong gum, aare Yisu nan kayum gleela matna net tho gum





Yisu Sa Yarusalem

Lyang: Galil, Samaria, Yahudia


Duklat: 28,000 km. sunget (10,810 mile)

Zyunghop: 63 Yisu nan nahan aazeng lom do, Romi tembo sa nankok Israelka ne gum.

Zyunghuk: Aathing Pilatus Romi zyung Pon Israel ka zyong, Tibiriyas Romi zyung kyoppo.

Songyo: Yahudi songyo Yarusalem ka Yahudi song sa gombo neegam, oobi Yahudi yukmon song nan gun songyo sa eyuk zookbom, (Farisi zong) Bible lom hu gunka lung lap bam.

Aaring: Hebru (Yahudi song sa aaring) Greek (Minor pong bekka zyokbambo aaring) Letin (Roman aaring)



Simyu aare pong re ung kyong ka shyu matna jumbom.




Chandik mat o rumsa
tachat latbam mao.

Milyu aal zeng oo.




Pumthingrumsa thyomsa
parit kung bong ka
chatnon mao.





Aaryum apot mapot sibo
gan kung chek sibo an
meeka thapsibo.




Kayu gundo chek sibo
aarum matna zu khatsyo.



Rumthing sa thyomlom
tula teet makhan senla
kasusa nalon kat yudetam
huna aayum sukong lom
welkhatsyo.




Aalong milyo aal hun shyong ho
adosa layo lom achong hun tho ne.



Ungkyong ka hunbu lutuk
rem gun na yoanes lebom.

Go aatim mugunmo
go lom zukbam mao
huna pumthing rum
re tugo lena lung net
sibu, hunado aayum
pumthing rum sa
asom an me na
thechu boset gum.
hunado aayum.

Un.....



Go aado
lom thechu
lyo gat shyo.

Rum lyang na aanyum kat latshyo.




Oolomdo mat oo!
aalom do mat na kaya
pumthingrumsa
sakching blenla matkhat.


Go! Ho kasu sa
aakup go aadom
ache matshyo an go
ado depka ago ne.



Abo ado tembo
lat skao, aadosa
sakching blen skao.



Thechu binbu Yoaanes na Israel sa layo lung thyorbu sa lolatbo tachat hunon mo lena chandik mat bam mao. Tachat aare Israel aatimbo Romi tembo sa Israel chukup lyang kat mao.



Yardan ungkyong ka yoaanesna Yisu rem lungnetbam.

Nak! Lyang sakdam sa layo lungtarbo pumthing rum sa aakup.



Yisu oobi saknim sonap kha net syula mujon muthong mat na bam Yisu mujon mat tado eyuk syu pu lena nyamree matna sakching khat.



Yisu sa sakching nee pumthing rum sa eyuk sakdamka aarum hunsyong pumthing rum sa sakching nee. Nam simyu pong layolom lungthor saka oo.

Yisu mung depka cham mao hure tyangregong sa punu hu na aamak un yasibu nan sakdam ka tembu mat si mao.



Senla mung Yisu sa ponzyom na
hudom fangna hudosa eyoklom aarom
lungnong syong doke bam.

ho pumthing rum sa. Akup gong
ne aare longrem khu zuk oo.

Mugun mo! aalom pee
tho ne nam simyu khuna
katap zum makhatne,
senla hudom rum sa koa
gat syo gam.

Ho thangdo pumthing
rum sa akup gongna,
gombo aaresa anyaklom
tyok, rumvik pongna
adom thal chunsyo lena
pee tho mune?

Hona gapna kasum fyok
cha matgong lyang
sakdam ka nembu gun
adom bosyo.

Oore nan mung na Yisu
rem lyot syo an rumvik
song nan hudosa aatek
aahan matsyo.



Aalomla pee tho ne
rum sa adyol mamat.


Mung ho aarom teet!
Aalom pee tho nee
pumthing rumrem katap
fyok cha mat un hudasa
katap aatek ahan mat oo.




Galil lom vungba Yisu aasom
achong na blenthoo nee. Yisu
chakgyom Esraeal sa agyop simyu
pongza bekka teetho an hu
lomba agyap simyu pong tugum
dee moo. gnanse pong na pee
thombo lyang sakdamsa
lungtarbo oore Yisu do mugune
lena yosyong huyusa sakchum
sakpat nee moo.



Galil sa lyang kat kanaka bree kat hun bam.



Yisula hudosa aamu an
lutuksong depka tombo
ooreka bam nee gam.





Senla tombosaaabekdoka.

Sarep zongsa
puyo chee moknon.

Yisu na lere zong
ho zook oo.



Jading pongka ung
blenla lok an tambo sa
leedokrem konkann.



Ung? Aare chee go!
An satet aarum chee!




Aare kon nak!
Hona aarum
cheere echya
sungtet tho
tho yumba.



Sathala muthyonbo aaring, go aarep zongbo bree
ka nong tho manen ung chee hun non! Aarum chee!

Eyok aare Nasarat
sa Yisu sa gum.

Hure tu go?



Kafarnahum Galil talyo dah king sa hoo sotbu songsa kyong kat gum aabi Yisu
nan pumthing rumsa tembosa aaring gun simyu pong rem dan mao.



An aabido hunan nahan lutuk pong sem gum.



Patrus nwarka aanyongka
nuoo obi aadosa sangle tyuk.




Lapon! Kayunan sonapfok
dokenala shyula muthupne.





Senla ho na leeba.



Aare shyu go denree
do mat makhan.







Yisu hudosa lutuk pong
depka gun Galilka nong
shyo, an gunrem
pumthing sa aaring pong
syokbam an net dokbu
mungsa aapil pong rem
dotbam an simyu pong
yet chi bam an hudo
nalon matbam huyu zen
lyangnala zoom bam an
yet chi bam.




Kreet dokbo pong
ryumo shymat gong
huyu koot syibo.




Syot syibu pong ryumo
huyu ago hun syo.




Aaryum mo, aayum
kasusa tandoka aazen
matba aago mat oo
syumat go sen
rumlyangka aayum
aaryum hunsi moo.




Zenloom aaryum
aagroon matsibo gong
hola oolomdo maat oo.



Aadosa ponzyom pong
rem aache mat an huyusa
tandok ka temu maat oo.



Aaryum eyuk nongka zuk
an zen na aadom nak syo.



Tu na taaayu pong
rem aazen maat na
nakpsyu hu nan chya do
aazen zook hat syo.



Aamek muzusa aaoom gum
aadosa aamek aaryum negong
aadosa muzu kala aaoom
nesibo senla aadosa aamek
masen gong ho
tyangregongka hunsibo.



Tunala dokbo netsa aatek
aahan mat makhan, zook
gong pumthing rumsa
mugun gong pasyasa.



Lukal sa samdok
mamat nahan
pumthing rum sa
tembo dong, an
gun adosa hun
set gum.




Gona lere zong zook gong aayu simyu oore zong hunsyo
huna sagor rakka le zockbo zong, go lere zoong muzook
gongna fajika le zookbo zong hunsyo.



Suknem kat simyu pongsa aayor
Yisusa le var-var hun tho gum.


Kayu sugong vando makhan.



Lekap an aada
hungong hunon syo.

Oothu syu
hunbam?

Huyum lyotnen aatyol aare
pong depka denree nee.



Aado layo
satoo hunnon.

Hona oore thyo aa
hu salom mat khat syo?

Hunan pumthing
rumrem
tugum gyongbam.

Aathing rum na katap
layo lunghyor khat.



Thongsyon rem syu
lesyong zyoom! Aado
layo satoo hunnon a
lukding loom.

Yisu aathing rem layo
lyotsibosa khokong nee,
go aalom la lesyo lukna
da chunna nu.








Yisu sa eyokk gunna
mugon ne songyo lapon
song nan Yisu nan
aachong saayak rem lyopo
malyonpo lena nak bam
Esraelka saknem aareka
syu eyuk la zook muhun
sibu thyom ne gam.



Yisu lutukdep nawarka Galil talyo doka non.










Oobi mungna
dap thombo
simyu kat ne
hu kang ka
bam mam.

hu layu detam.


A..... A.....





Mugun aabido bam pumthing rum nan adom syu mat tho nee zeenrem dan oo.





Go aayum lesyu akup na katap syu la zuk makhan hu na abo na syu zuk sitho ne ooredo zuk syo. Go godosum syula muzuk senla abosa sakching ka zuk syo. Kasum kulong bo hu do gum.



Hayu anaming Patrus
an Andreeyas.

Anam ing Yakub
an Yoaanes.

Philip an Nathanel.


Thomas an Matiyas
huyure nahan Romi
gulonsa khe lumbu gum.




Thediyas an Iukso Yakub.



Simon hudom Biplavile gam
an Yahuda Eskrayot gum.




Nu oo! Tuna aayum lyo syo huna kasam lyo syo.
An tuna kasam lyo syo hu kasam kulong bo rem lyo syo.



Kati net lutuk song huyusa
eyok lom sak oonla hunna
lavung gum. Aare na Yisu
huyu depka mungla lyangka
nong syong gum senla
aayor simyu pong na ktakup
malyot ne gum.

Thuk hunon milok aaman
ne thuksa rum rem temu
maat an rum nan thukka
milok kulong bo kon.



Yisu lot zook long netlom laapon long lom bam. Aanyok hun bam.



Philip aare gun simyu pong nan salom aazoom thupsi gum ho do huyum syumat na aazoom mabin.



Ivo kaku sa afar nala huyum mathak ne.

Aabi khu fungo an ngo net niyambo ong kat ne. Aabi neyambo aatet do mo.




Simyu pongrem kha netsa kati kha netsa katika nan kon oo.




Yisu nan pumthing rum rem tokchi be mao.



Hu nan khu an ngu gal mao.





Yisu nan aazom rem agyap
zuknan tangfree-tangfree
simyu pong nan zoo mao.

Latbo layo lungtarbo
hudo lyok gum.

Kayu hudom punu
zook do gat.



Nak! Tangdyong
kati, net thoktho
ne gum.



Simyu pong rem lee kulongsibu tachat
hunnon aayu nawarka ungpин nuoo.
Go temu matka aabi kangka baam syu.

Aalon....



Oore mung go!

Murun oo! Go mao.



A rum ho do gong
kasam ung plongka
lomsibo aaring booo.




Patrus yu oo!




Rumm, kasum
makmukon oo.



Ho syu matna samrong
matbam Patrus?



Oobi simyupongnan Yisu rem punu zooksyong bam.
Huyu sa sakgroon ne hudosu gulon ka Romi song rem plyo syong gum Yisusa sam matonbola blen detam. Huyu rung zingdo hudosa higat matbam. Huyu pong namsimyupongrem hudosa aaking loom aarom lungnong syongbam.




Yisu sa talok bo gyapla nongsyo huna Galil lyotna zen lyangka taayu tagree gun hudosa tugum matba depka tado eyuk zook bam.

Galil

Yerusalem

Israyel

Nalon hu Yarusalemka nongsyo.





Lomdetba....

Simyu pongna go tugo le bam?

Ho nganse kat mo lena le bam.

An aayu de?

Aayu pong go tugo lesyo?



Ho layo lungtarbo pumthing rumsa aakup.

Turemla madon oo. Masihi rem kidok lyosyong an maksyong Yarusalem nonggatsyo, an saknem samka chyoklom zoo luksibo gum.






Yarusalem thoomsa lyangka satha-satha simyu pong sotbam gum. Huyum fyokkungka hyon bam sarere chyobo Romi aamak gum.



Tu sare kasusa hunsyo gongna huna tadom myon gat an tado fyok kung buna kasusa nalon hun gat.

Tu huna tadosa chu makakna zooksyi orehuna fatsyo. Sare huna fatsyo oore huna thupsyo.



Aayu aare yamdo gatsyo pumthing rumre katkupdo mao.



Aaring timbore aaredo mo hona aadodepka hunbo gunna rumrem aache mat an zenremla tado zongdo lenchyo mat.

Tachat aareka Esraelka domdo net niyambo kyong ne gum.
Domdo netre kamthunsa romula net gum gum net aare nembo
pongrem aaryum simyusa kingka det machuk sibu gum.






Domdo net nembo pong
fel-chyol nongba zeenrem
huyu didetam mo lena
leeksibo gum.

Domdo net!
Domdo net!



Yisu! Lapon kayu
plong ka gunran mat oo.





Yarusalemsa gulonbo
songna Yisu lombomba
naksyong todo simyu
pong kulongsyo an
hudosa milyorem huyu
magat ne.

Huna tadorem zenbo simyu s
ongsa bek thapsyo salom gong:
cheebo khe lyobo sare huna
Romi songdep tan eyok zook kam.

Masihi fatbo songrem
dongka an mak makonbosa
tandokka dee mao.




Yisunan Aaket saknim ka
pon Thombu hun na.

Ponnon oo.



An inga pong depka
hudosa seams lyangka.

Inga songrem kasu danka
deekon oo. Syumat gosen
rumsa tembore
aareppong zongsa gum.



Yisu rem Bethaniyaka leek tho gam oorere Yarusalem akingsa kyong gum Lajaras net dokbam Lajaras an hudosa aanom net Martha an Mariyam Yisusa aaryum atyol gum. Yisu Bethaniya khyo latba Lajaras makbure saknem falle hunnon gum.



Rum ha aabi nembo gong kasusa ing mamaksibu gum.

Adosa ing zoosibu Martha

Oo go yobam. Hu adek saknemka lot zoo loksyu.

Lota zoo luksyong an chu muromre godo gam kasum denree matbo zoosyo ho denree matsyo Martha?

Las lapon! Go denree matsyo ho sakdamka latbo layo lungtarbo pumthing rumsa aakup gum.

Aayu hudom sibi laptho ne.



Lapon dena nak.

Nak huna hudom thangdo
aachee matam gum.

Syu huna Lajarasrem
aamak nan kok
makhan aa.


Aabi mak thombo Pongram amak damka
longzyongsa chyokka those gum.

Long dot oo.



Abo go aare lesyo aabi ding
thombo simyupangna hona
do kasum klong thombo lena
denree matkhat kon.

Lajaras lyangka pla dee.



Yarusalemsa khokong song Yisu an hudosa lutuk pongka lon nak bam.



Simyu oore nan agyap do yet chee mulasa eyuk zook bam.

Kayu oore aalomdo bamkongong Romi songnan thyomchyo mat syo.




Huyu pongnan kayusa gombu an minor rem thyop loksyu.

Ho sakching oo. Gun minor yasyong len simyu kat mak gong aaryum hunsyo.

Tachat ooredona Yahudi gulon songnan Yisurem Romi songrem tatsi bo tachat dongbam huyum katap aamaksa chebo binbo khokong ne gum.

Oolomdo gong Yisurem sot gatsyo.


Yisu Bethaniaka bammam ba.





Domdo aachoksa tambo lat bammaoo.
Simyu songsa aayor Yarusalemkon nondetam.




Yarusalemsa gulonsongnan
Yisurem chamsyong matna
chandik matbam ne. Senla Yisu
Yarusalemdoka nondetam.





Zyongsa abekka
masangsibu gombu
ne gum.



Aahyoksa tambuka
lukpong sotsi gum.



Simyu pongrem pumthing
rumsa dap hunsyongsa
tandokka gombuka
lokpong besyo.



Senla maksibu sare luknare
thangdo simyu pongsa layo
lungthyor khatsyu gam.








Gombusa lomka chongbosong
akanka chong matbam.



Yisu aathingla oobido lat bam.








Yisurem adosa
aakoka go tatsyo.

Gulonsongnon rungzingdo
hudosa tugum mat
gurungla Yisu aahyoksa
tambo nahan gomboka
simyu song depka
zyokbam gum.



Aare napmun Yisu an hudosa katinet
lutukpong thoomka aahyok tombosa
tandokka zoom tho ne.






Go kidak lyosyong nahan
aahyoksa tambo aayu
depka zoosyong sakching
matthombo gum.

Gulonpongnan huyusa
simyu plongka khogong
matsyo senla oore aalom
muhsuni moo.


Gunsa veet aayusa
gulon hunsyo gum.



Go aayusa abekka veet kat zoong gum.







Patrus, hikbo ryang syong nahan ho kasum dyom aavim matsyo.

Napmun tetka Yisu an hudosa lutuk pongnan thoom lyotba Yahuda huyu depka manin mo.



Go aayum lyotna nondet mo senla pumthing rumnan aayum asom achong kulongsimo, hu aayum atyol matna rungzing aayu depka hunsyo.



Go nongsibu lom aayu yotho ne.



Lom, athong an chu-maromre godo mo, kasum lyotlong abo lyang nong makhan moo.



Aayu abido bam. Go temu matka pefi nongsyo.



A abo hungongna takchimg aare golom fil mat bo oo.



Senla kasusa sakchingika mugun adosa sakching do hunkon oo.

Tachat aarep zongkala aayu salommat
dakhatam go? Lok kasum godik matbo abido mo.




Gon bongchuk matbo
rem cham oo.



Aa Lapon!

Yahuda syu ho bongchuk katna
Masihirem godik matsyu?



Rum syu kayu kyom aa?



Mugun
mugun.



Yisunan hudom do lungnongsyong bebam
luluksong fetchyol teetnonsyo.



Yisu gun Yahudi gulon songsa athyak yukmon tembu lyangka bunongsi gum. Patrus an Yoaanesnan aaromlom nalon matbam.



Patrus paleekka nong bam.



Hola huyu depka mane?



Syu leebam go?
Go hudom matyak ne!

Hola huyu depsa
kat mugune?






Mugune!

Go thang do! Ho oobido
nebam go, ho Galili kat gum!



Ho syu lebam go muyone.



Yisu Romi dokbo Pilatas lyang lungnong mo Yahudi gulonsongnan naakka detbu simyusongrem le gam huyu gun ve thyom belung leekbam.



Aare gun bethyomsa tandoorra ho syulesyu syula male ne?



Go aathongsa tandoorra lattho nee.

Ho syu matho gum.




Thangre syu go?



Go simyu aareka syu bethyomla muthupne aare aahyoksa tombo gum go turem lyot beeyong Barabba rem aa Yahudi songsa punurem?





Nak! Simyu oore.


Fyok kungka hyon oo.

Fyok kungka hyon oo.

Fyok kungka hyon oo.

Pilatasnan chebo yokka
kuming kyophat. Fyok
kungsa amakre rum mula
aamak gum Yisunan
kidaksa fyokkung
Yarusalemsa lomka buna
lombam moo.

Aabi veek pongna
Yisurem fyokkungka panja
bokna hyon syo.



Aatetka Yahuda na tado
na zook thombo eyukka
sakningsyo.




Gona aanang asobo
verem godik mat hat.



Aaresa kayum syu payo?
Oore adosa eyuk moo.



Go mudukbo
eyuk zook hat.




Yisurem aazolbo netsa
aabekka fyokkungka hyon moo.



Chyo aaring samka
peethombo ve thyom kat
fyokkungka hyon mo.
Ooreka peetho ne. Yisu
Yahudi songsa punu gam.

Yisunan adok aaman mat
syong chee muthong moo.

Veek pongnan hudosa
damsa tandokka king
chum thap mo.



Ho pumthing
rumsa akup
gongna
fyokkunglom
yet yuoo.

Ho aadom an kayumla lungthyor oo.

Pumthing rumsa aarum
mat kayuna kayusa eyuksa
thyom thuptho senla simyu
aarenan syu aazen eyuk
zook muthon.



Ho adosa tembuka latba
kasumla sakching oo.



Saknemka baja katinet
tetka gun sakdum
tyangregong hun moo.

Yisusa aamu Mariyam
an hudosa lutuk Yoaanes
fyokkungsa aakingka
dingnee moo.

Aalong aayu aamu
an tagreekup mao.

A kasusa pumthing rum.
A kasusa pumthing rum.
Ho kasum syumatna lyot go?

Kasum ung
ngubam.

A abo go kasusa
aapil adosa akoka tatsyo.

Aalong palnon!

Yisu saknem baja samka maksyo gum,
vek katna Yisusa tubokka chet ngaba
vee an ung plamoo.



Chyo pongka peetho ne
hudom soot syong bunon
detbo luk zoong bunon.



Kayusa layosa tandokka
hu chepmo an bakmo
senla hu mak tho nemo.




Syu latbo layo
lungthyorbo hudo mune?



Yu oo kayu hudom
lap khatpu vetka.



Aramathiyasa Yosep an Nikodemas na Yisusa afong
bunong syo. Huyu hudosa afongka amree sitna
damka malban longzyongsa chyoka thona ooresa
aabongka longsa dap mao.



Aaket sakenm lensa satet
syotambo aamu song dap
thombu chyokka nong mao.




Aazum rem aamak songsa
bekka syumatna dongbam
go? Hu aamak lom luktho ne.
Hudosa lutuk songrem danbeoo.



Long dottho nede.



Aaree thyosa Patrus an
Yoaanes chyokka
dongnon moo.






Syu hun?



Aare agun moo.





Saknem ooreka Yisusa
lutuk net huyudom lomka
nondetamba muro katrem
chamnan aaring setsi mo.

Oolom gong aayu ganse plongka denree matne?
Syu layo lungtarborem hudosa aageaka vonsyong
nahan kidak lyo magatne gun aaring aare chyo
pongka petho gum.



Saktulola aazom zobam
tachatka nung palatsyo.

Senla hu Yisu gum.



Huyu taklado zen lutuk Yisurem dongka nonmo.

Mariyam an Patrusnala si moo.

Kayunan rumrem si moo.




Saktulola.

Aayum aaket!



Go mo lena denree
manene? Kasusa
aathong an ako nak.



Kasusa rum an
kasusa pumthing.

Oorenan saknem khanet
hudosa lutukpong depka.

An gyo fungo simyu
bekkala nong. Soknem kat
lutukpong Galilsa talyo
dahka ngu sotam gum.





Inga oo. Aayu lyang
aazoom hiyam aa?

Manin kayu syula
chamtho manin.

Aayusa sangle lukso kon tyuk.


Lapon!

Aayu dena go dep zoosyu?



Yisu nonlenthon ne. Hudosa lutukpong Yarusalemka temu matlong rongbam gum. Aasom achongnan huyum blen mo sarere Yisuka nembo ooredo along ayuka nesibu hu aayum simyu aal zooksibo tuhung vatsa depka Yisusa eyuk zook konsyo.

Aamakna Yisurem cham tho makhan pumthing rumnan hudom lota chaaka lungde mo an hudom rum an layo lungtarbo zook mao.



Agyap do talok hun gurungla huyu sut aarum danka pla si mo.

Yisu pumthing rumsa aakup gum.



Are sut chuyo lomla dan tho ni mao.

Hu fyokkungka makba kayusa layo pongla gun lio mo. Oolom matba kayu rumsa kosa lomka lom gat mo.



Along lyang sakdamsa simyupong rumsa temu matka an namthar rokka lyang katka zumbam mo. Huyu Yisusa aamaksa sakchingka, khu an takchimlom thongsyo huyusa samka nimbu aache zenka la mat oo lena rumsa sakching ne mao.

Yisunan namsimyupongsa
pumthing rumsa eyuk pal
hat moo.



Yisunan kayum aache
matsyo oorena matba tokchi
mat an mo syang mat oo.

Pumthingrumnan sakdamrem aalom aache mat mao.
Hunon tadosa tagree kuprem. bohat mo hudo plongka
denree matbosong mayan sakao senla sathala
mamaknabo chumarom thup sakao.

WILLEM DE VINK

Bible

Yisusa sang Bibleka peetho gum Bible chyo gunlen agyap roktho ne gum. Aare gun chyosa agyom gum. Nam tangfree katsa gyofungo (1500) chyo aare pee len mao. Nam tangfree katsa gyo kakyotka (1900) Bible hun mao. Aareka gun aaringpong ne pumthingrumnan simyusa salom mat na eyuk zookbam, pumthingrum to go? Aare kayu Yisusa aaringnan yobam.


Yisusa Thotom

Biblesa chyo falenan Yisusa milyusa aaringpong dantho ne. Yisusa tachatka aarere pindok gum. Pindoksa abrang hunan betho gum.

1. Matti: Yisusa lutuk, hure khelumbo eyuk zookambo gum. Huna aaring aare chettho gum. Salom matna Yisunan Esraelm depka chyo mat gum.

2. Markus: Yisunan zookthombo yetchimbo aaringpong hunan petho gum. Yisunan eyuk zookbamba Markus aazyon ongdo netho gum.

3. Luka: Aarere mondok gum. Hunan Yisurem thyak muthon mo hu nan aaring chetho mo salom mat nan Yisu nan simyu depka lom mao



4. Yuhanna: Yisusa lutuk kat Yisu tugo aare hunan dan mao Yisu pumthing rum gum. Sarere namsimyu huna gun sakdamsa layo lungtar khatskao.

Yisusa Agek

Yisusa aamu Mariyamsa bree huntho manin gum. Yisusa aagek hunba hu namlengdo nebam gum. Yisusa aagek pumthingrumnan dektho ne gum. Aaring aare nahandona chyo pongka peetho ne. Yisu zen aatim simyu zong an lukso matna magekna gum. Senla hudosa aagek beek byongka hun mao.

Yisusa Yetchimula Eyuk



Yisunan agyap yetchimula eyuk zook mao. Bibleka khanet (40) sa agyap yetchi mula eyuk huntho ne. Aare yetchimula eyuklom Yisunan pumthing rumsa chet an aachesa sakching namsimyu pongka betho gum.



Yisusa Aamak An Loluk



Yesurem syu matna sot go? Aaresa aaringpong Bibleka petho ne.

Gun namsimyu sare aazen aaringpong zookbam huyu pumthingrumrem saklyak an samkyomula zooksyo. Oore domdo layo lesyo gum. Aare gun layo namsimyurem pumthing rumsa aadep lom aarom bunong syo gum. Aarena matba Yisu yu mao. Yisunan kayusa layo hudosa plongka lyo mao. Oore thyomcho aamaksa ne. Oorena matba Yisu mak mao. Aalong kayu lot pumthingrumdep aatyol hunkhat mao. Senla kayu kudosa layo pong lyo gat. Yisu aamaklom loluktho gum. Pumthing rumnan hudom aazoom zook mao. Aalom matna pumthingrumna net mo. hu satet aamak lenla khokongbo ne gum.

Yisu along pumthingrum depka bammam gum. Aarena matba hu kayusa aatyol hunkhat pumthingrum aago hun si kayu aaryum matna milyu aareka bam khatgong hu kayum aatyol matsyo.

Temu.....

Senla ho aazen aaringsa sato ulgong an pumthingrumdep aatyol zook gong. Ho temu aare mat khat mao.

Aachebo pumthingrum ho kasum aache matbam mao. Adosa katkupbo akup sare hu fyokkungka mak mao. Satet aazen aaring gona le/zook oore gun layosa sato lyotbo oo. Yisu kasusa depka aarena matba tokchi nemao.

Syu ho adosa sakchingka kasum milyo aareka tyol matsyo ho syu le oore zooksyo kasusa temu nenbuka tokchi mao.

Yisu an ho

Yisusa sangsa aaryum aapal ne, Yisu agyap aatim simyusa aatyol hun. Oore tetedoka sakdam aalpok hunnon. Agyap simyu pong along pongbo an unka malomne hu tangbo an taklyang namfaka lom mao. Senla Yisuka aarenan syula muhune. Tachat satetka hu Esraelka ne oorepzongdo aalongla kayusa depka ne. hu sem makhatbo senla thang mao. hu adosa tyol hunsyo gum hu hudom thyom khat mao.

Syu adam Yisu depka milyu an hudosa aaring pong achyala yosyong sakching ne olom gongna amin pe thombo aaring zook.

1. Ho tado Bible rok (Lukana peethombo lyang rok).
2. Temu matsyong (Pumthingrum dep zyooksyong an thyosyong adam agyap aaring zyokthyom magat).
3. Biblesa aaring an Yisusa aaring rungsordep dan syong. Yisusa sakching ne hudosa denree bo kat lokso dep hudosa saktop mat oo.



Publisher : KRISTALAYA MERCY MISSION

Printed : Kristalaya Printers

Text and illustrations : Willem de vink

Copyright 1993 Stitching Wereldtaal, Houten, The Netherlands,

Published in Dutch as "Jesus Messias". Edition in Lepcha Roman 2020 : ISBN :- 978-90-73150-95-9

Digital copyright under the terms of the Creative commons BY-SA licence.

All right of translation, reproduction and adaptation reserved for all countries.

Worldwide co-edition organized and produced by: Wycliffe Netherlands,

E-mail : jmpbnortheast@gmail.com

Yisu Masih

Aare Yisusa thangmu song mao. Aare tongfree net (2000) nam nahan Israelka ne gum. Tu sarenan hudom cham. Saknonka chatnonsibo. Huna zookbo zenna zook makhan. Aaring sare hunan dan zenna dan makhan. Yisu bamboo lyangka yetchimula aaring hunbam. Yisusa aaring thyombo pong ago aanit hunbam an saktulola aapal hunon zong. Hudosa tulokbo hudom thyom besyo senla oore re aapal mugun nahan syuhun oore ho rok an nak salom matna Yisusa sang nahan nongsyo gum.



Language: Lepcha Roman

ISBN : 978-90-73150-95-9